



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Parochorum, Sive Institutiones & Praxes Tum Vitæ, tum Officii Pastoralis

Musart, Charles

Monachii, 1654

XVII. Quomodo deferendum ad infirmos.

urn:nbn:de:hbz:466:1-41616

Modus deferendi Viaticum.

Moneas populum, ut cum Viaticum deferendum est, locum, in quo infirmus iacet, emundent, & proprio modulo exornent, mensulamque coopertam decenti linteo, effigie Christi in cruce pendentis, cereo uno, alteroque lucente, vasculo aquae lustralis, & altero ad abluitionem oris infirmi, post sumptam sacram hostiam, ritè instruant, dum interim infirmus se per actus Fidei, Spei, Amoris, desiderii suscipiendi Christum, ad dignam denique Communionem per internas, aut vocales preces preparat, aut ab aliis, si per se non possit, piè disponitur. Deferes autem indutus veste Clericali, superpelliceo, & stolâ, præeunte vno saltem ministro cum lumine, & campanulâ, sequentibus aliquibus è populo, si commodè haberi possint; quam in rem, ut sint faciles, &

prom-

prompti, pro concione exhortaberis.
Modus procedendi is ſit, quem requirit tantſ Sacramenti fides, & dignitas.

Quare deferendo ſolennitatem omnem religioſè ſerua, quam Liber Ritualis præſcribit, niſi aliud ſuadeat, & permittat itineris, aut feſtinationis vrgens ratio: ſi morbus vrget, feſtina quidem ſed lentè: imò etiam contende celeritùs, adhibito tamen ſemper ſtudio reuerentiæ Sacramenti, & vitanda aliorum offenſionis. Si locus longius diſtet, ſi ſit arduus, cœnoſus, lubricus, è collo corporali ſacramentum Hoſtiam buſſulâ incluſam geſtare poteris, ne aut laſſeris nimiùm ferendo, aut ne periculum ſit, vt cadens Sacramento iniuriam inferas: equo etiam vt licitum erit, ſi opus ſit, modò is non ſit indomitus, aut ſternax. Si per loca periculofa, aut infeſta ſit incendum, vbi hoſtis aut latè graſſatur, aut ii, quibuſcum habes inimicitias, vitæ tuę inſidiantur, neq; armatos habere poſſis

198 *Institutionum Pastoralium*
possis, qui te tueantur; clàm arma ge-
stare potes, quibus vitam tuearis con-
tra inuasorem: Sanctiùs facies tamen,
si tu ab armis abstineas: iuuerit po-
pulum moneri, vt cùm pericula sub-
sunt tibi, & Sacramento, de die, &
tempestiuè potiùs vocent, quàm no-
ctu, & tardè: si tamen aut neglexe-
rint, aut necessitas opinione citiùs op-
presserit, ne vocare desistant: te-
quiduis passurum potiùs, quàm vt of-
ficio desis.

NVM: XVIII.

Modus conferendi Viatici.

CÆremonias Ritualis exactè obser-
uabis, quantum temporis, & mor-
bi ratio patietur. Mox vt lecto
subieris, Christum adorandum infir-
mo propone, sciscitare, an sumere de-
sideret, an nihil occurrat, quod de re
ad conscientiam pertinente, ante sum-
ptionem tibi dicendum putet: quòd
si aliquid grauius infirmo occurrat,
audies,